

文谷漁嬉稿

丙寅

丙寅元夕燈宴呈座上諸公
今夕華燈錯兼之火樹紅文霞流月宇香霧
結烟籠簪盞欣同照樽傾畏屢空春來多樂
事先起上元中

丙寅春日

依然窮谷裏又值太平春月令欣貞孟農祥
美建寅曆無耆舊紀世有遯棲人獨嘆青陽
轉逾增白髮新

寄答張清源詩酒見寄



平子能西望題詩寄所思殷勤別後意鄭重
到來時淡綠消冰片新黃上柳枝林塘不共
賞春酒坐空持

山居懷古

卜居無選勝聊以托幽閑地即林宗里樓通
子夏山田園從邵仲書史向楊班古老雖離
逃神情獨往還

壽西野翁

吾師抱道樂青林白首窮經住世深俗裏幻
名飛不到區中塵景斷難侵暖烟芳草文筵

藉和氣朝霞壽酒斟看戲綵衣還勝事門墻
桃李欲成陰

奉贈穆少春大行過汾見訪

春城共迓皇華使天宇爭攀玉樹枝秀色照
人清馥郁光風偃草綠離披幽居過訪畱能
暫野館分携去欲還知到帝鄉多勝事紫雲
青瑣拜恩時

二月廿二日北園和裕菴見題之作

芳月過逾半蕪園尚不知東皇寧故外北鄙
自堪遲杏澁深先蓋楊慳稿後莢茂無十步

草誰定踏青期

二月廿四日壽劉玉泉大尹

早同文會復同官歸老還將共歲寒晚節每
看庭際栢幽香常通室中蘭長年學士頭全
黑行地神仙面更丹好向佳辰醉春色翠紅
相媚滿林端

奉謝承山公春日惠宴

二月山城尚不春喜沾文酒見天真秦和聲
轉朱絃迭清淑先生玉燭頻杏蕊詎須墻外
早柳條儘緩陌頭新合知黃鳥潛幽谷鳴向

高筵自有因

寄壽謝四溟

南山篇有之樂只壽無期今我與斯詠非君
屬阿誰僑居潞子國高步惠連詩授簡叅梁
宴觀書下董帷消搖鷗鷺渚笑傲鳳凰池秉
德隣皆應敦仁福所綏長庚符令誕彩筆助
神思楊柳塞文席堯花送羽卮遙緘小雅意
一寄白雲陔

三月十一日宴北野山莊題于小洞
何處巖居好林邊小洞幽荆扉長晝閉柳堰

伴春游坐石依山足分溪到水頭飛紅寒食
盡積翠暖烟稠友意存黃鳥閑心共白鷗浮
杯要淹客怕帶夕陽流

壽西谷大宗尉

張筵把酒笑春風多歷偏能識化工柳色抽
迴千古綠莢花開出萬年紅揚塵任自由爲
海聞道還當老復童箇裏真常渾是壽莫言
人境缺仙翁

寄東明弟見春日之懷

閑看棠棣滿庭華諦聽歸鴻集暖沙同氣遠

爲百里宰相思各繫一天涯荆樓日暮難孤
眺姜被春寒柰自嗟世路舊游多按劍不知
何處可移家

答陽谿見寄介山遊覽之作

一覽山中作知閑塵外蹤文茵藉芳草羽蓋
蔭長松浮世舟難繫空林杖可容自微仙客
到誰啓白雲封

贈陳瀛南侍御行部至汾

行來郡邑皆時雨到處山川總出雲攬轡信
然森法象宣條真已煥人文官迎繡豸欣承

德將凜花驄願樹勳堯舜故都風俗儉大觀
應表聖明君

喜陽谿見訪同二王夫作

巾車到愚谷喜鵲繞簷飛孰是見君子而不
欣所依憶日緬中里如隔山之巍暮雲屢銷
散春草徒芳菲茲言携手好不謂會面稀清
和呈夏氣烟彩絢晴暉花香灑文翰鳥語繼
音微同懷儼雙駕一觴來共揮歡緒若河決
湍湧無停機方將久維繫極宴庶志歸迴旌
在倏忽此意良已遠出谷惋相送悵然空

微

三月初五日壽王龍洲親家

曾說蒹葭依玉樹更聞松柏俯絲蘿感君高
美誠如是顧我攀援柰若何北海頗饒文酒
興南山宜向壽筵歌譬諸好鳥懷春旭不覺
清音宛轉多

效胡青厓方外之作

一條竹杖挂青鞵不躡長安市上街栗里自
存松菊徑輞川誰看木蘭柴白雲脩嶺憑虛
眺黃鶴高樓帶醉排世味備嘗渾謝却旋收

沈澹有餘齋

題王龍岡喜生貴子圖

泰和吐祥天毓竒大海產珠山秀芝鳳凰將
雛龍導子閤門喜見麒麟兒麒麟本爲王者
瑞要將名世偶昌期英物自然聲氣好骨相
已表青雲姿青雲器業自昭代乃祖策勲開
國時至今列侯佩銀印帶礪河岳功永垂邇
來奕葉更全盛金昆玉友振鴻儀桂子香生
月中樹蘭芽美茁庭前枝家藏萬卷會
竈有千金奚足爲奠茨向階彌晦刻清

景迂炎曦菖蒲挺節紅藥滋花下列筵湯餅
隨賀客駢闐車馬馳爭看慶霄五色增門楣

四月廿七日山泉宗尉邀賞西園紅藥

偶然二首

背郭芳園披翠微名花拂檻亂紅霏含章未
覺靈根異品藻方知艷質稀茉莉撲簾還撲
扇燕脂勻面復勻衣若教移植觀書地愛護
當施絳帳圍
西園風景又朱明身世何曾有定程老去水
流三峽駛賤來山比一毛輕花邊潦倒惟拚

醉樹底婆娑未達生猶恐紅香易銷落夕陽
踈雨不勝情

庭許榴花盛開酌言玩之率爾成句

綠栽翡翠千枝出紅琢珊瑚萬朶開爲荷吳
天多雨露故教炎月滿庭臺桐花小扇爭妍
集蕩草長裙負妬迴却笑野夫還世態愛渠
能送紫霞杯

送楊古峯之任麟遊

大才從小邑幸是宰明時美錦勞先製青雲
歎後期到岐看鳳樹登隴見麟陟祥瑞今當

別仁賢作羽儀

奉和承山相公同文峰學憲宴集山亭
之韻二首

紫薇推亮采驄馬羨皇華命駕同看竹登筵
共坐花邱歌卑下里魯俗賤東家今日重光
照雲窓滿碧紗

誰知霄漢侶亦愛野鷗盟高蓋凌空下雙騶
入谷鳴行逸綠樹翳座裏白雲生已作仙遊
處茲山定得名

奉和承翁臨况小堂之韻

一杯何事寄情深
鼓舞南薰在竹林
碧簾我
便迴夏氣朱絃人
阜返虞音禽魚締
聽皆懽
趣童冠叅承滿道
心明日還陪郭西
宴適來
嘉樂可重尋

贈李澗南斷事六十

束髮同門者
今皆謝政歸
問年週六甲
養性
愜初衣
日向歌筵永
雲當舞席
飛看君開壽
域添得好容輝

王龍岡生日席間賦

青歲鄉書薦紫宸
賈生英俊更無倫
蹉跎華

髮猶爲郡
荏苒金章未
在身
天上九關疑
夢
幻人間萬事
等灰塵
且將美酒
酌嘉旦
收得
壺中不老春

竹軒宗尉納雙寵用韻戲贈四首

金剪雙裁繫臂紗
香車迎得兩名娃
春風貯
向紅綃帳笑對
菴花映臉霞
文彩鴛鴦刺
合歡芙蓉錦帳
繡團圓
要令二
美知人意
更薰薰籠滿
麝蘭
臨池折得並頭
花不說雙鴛
戲暖沙
似是東
風欲相媚
送將春色與
侯家

楚館高唐夢寂寥漢宮金屋草蕭蕭誰家絲
管雙調弄除却周郎有二喬

寄柳川生日七月十四日

烟霞之瘼何其深不肯閭里相浮沉引水作
池清見底開山種竹綠成陰春風花鳥飛雙
去夜雨蛟龍坐獨吟舊客罷携爲壽酒知君
久矣斷招尋

贈小村宗尉華誕六句

憶昔先公傾蓋時與君苑李共春姿詩中意
氣雲天渺琴裏心聲山水知今日壽辰周甲

子百年祥旦有瓜期通家載酒殷勤祝欲學
清寧配兩儀

七月十五日夜望月

明月向中元清輝遍廣軒冰壺懸皎夜水鏡
失黃昏樹鵲依涼靜風蟬褪暑煩惟應砧杵
婦愁絕塞西垣

聽美人彈琵琶和小村

佳人捲羅袖爲我撥鵲絃幽怨花含霧離傷
澗吐泉疾徐箏馬上斷續塞鴻邊曲罷還畱
聽江州思宛然

和小村山居南字韻

立壑中分我在南君家北面好清潭烟消定
是荷衣冷日落應同漁父談陶令去官翻自
樂私生出仕不能堪浮名頓覺都叅破只有
鷓夷意尚貪

送張玉岡節推之南陽

梓里郊筵悵別深蒹葭秋水不堪吟切雲飛
蓋河梁轉計日過車郡館臨好使憲章貞似
玉遂令王度式如金武侯岡隴依然在忠益
須求千載心

林間宴坐五首

今日林間影他年陌上塵柳悽搖落歎蓬轉
倦將身涉惹波侯怒登逢山鬼嗔迷途猶未
遠回首見吾真

回首見吾真纔然理靜因深居綠水石茂苑
得松筠漸復琴書好翻將魚鳥親役形猶爾
耳未到絕埃塵
未到絕埃塵只應悲此身虛華非我有實相
可誰因踏破浮雲岫掀翻苦海津維摩無伎
倆宴坐第淹旬

宴坐第淹旬從他秋復春花開紅處滿葉墜
冷邊頻問疾猶凡想端憂自本因寥寥空宇
內賸有一閑人

賸有一閑人耳為我與貧如桂還魯鈍似梗
合飄淪松桂成三友酒蘊足四鄰休將歎離
索大塊本同春

慶成王誕日奉壽

華辰清曉拜宸居遙望紅雲護紫虛開國緒
民分土後承家光遠祚茅初丹深澤地益
音恒參玉佩書天酒酌花須

期引萬年餘

秋晚園居酬郡守諸公見枉

老圃秋深漸復荒郡公紆駕轉輝光神熙鏡
寫寒潭碧吹爽旗翻落木黃殘菊帶籬還正
色濁醪浮甕有新香高懷對此應饒笑殊勝
邀樽栗里傍

晚秋宴第園中

君欣初服返柴門我歎高秋入槿園碧樹階
前黃葉聚紫巖窓裏白雲屯耳傾蟬響成蛇
蛻目送鴻飛急馬奔即物詎堪人速老會須

開口菊花樽

喜徐君謝官王門漫贈口號

我愛浙泉子辭却宰官榮朱門不再踐綠樹
有餘清未覩先賢隱逸傳解道無官一身輕
我愛浙泉子飲酒有酒祿醉卧草堂雲無榮
亦無辱早晚生男尚不遲還當有子萬事足

和東臯題竹軒喪寵之作

蘭摧不可道玉折豈堪聞窈窕恩中絕綢繆
夢裏分團悲班扇月斷憶楚臺雲恠底瑤箏
咽新來鴈失群

壽周克川上舍

仲秋水雲淨湛澹天宇清時哲美初度潛龍

兆元禎取易初九含光稟純粹變化韻至精

蚤觀辟雍禮再試京闈衡吾謀適不用羽翼
終當升自從家食來亮懷余所程和稀白雪
調室近紫蘭英為壽一杯酒安能不滿傾南
山壽佳氣碧樹萬新晴歡宴在茲會萬事良
已輕

病起四首

垂帷永日卧匡牀童子渾能檢藥方只道火

雲猶帶熱不知園綠已蒼蒼
疾餘拄杖看浮雲說是蒼梧那得分總爲太
虛難住著隨風吹雨過清汾
嗒然一笑笑何如方技頻謀老病除別有無
生稱上藥神農本草不曾書
識取浮生大患因何慙一疾動經旬有誰還
是臺山客來訪林間宴坐人

謝陽谿見壽林間

道義情親自不同隔溪來壽白頭翁詎嫌疲
老成今日直敘交游到古風林鳥欣飛秋色

裏籬花欲吐笑顏中此時何用悲明鏡一酌
丹霞面已紅

寄題陽谿郭西草堂用韻

有美郭西隈吾廬向此開案書多古禮園植
每深培守道心無間思君腸幾迴惟應悅慈
母花外板輿來

和趙陽谿樂壽園即事之作

荆扉無客見招尋一晤高賢喜不禁下榻幽
蘭當谷映開窓涼樹滿庭陰巢居自合人群
遠宴坐誰憐歲序深欲教緒風驚別鶴孤雲

冉冉又空林

奉和承山相公中秋後四日雨中臨况

東谷樓宴之賦

踏閣攀援處隨車霈灑時歲華秋半好煙景
望中竒地足雙禾穗天低萬木枝宴言逢化
雨欣喜共農師

奉和承山相公宴集龍洲戶部西城別

館之賦

樂地豈遐藉幽園却背城池將心共湛蓋與
意俱傾霽色斜陽閃涼風高樹生幸陪清宴

末塵想介然輕

對北園芙蓉作

小園亦有秋江色開出芙蓉滿樹花葉葉翠
綉澄皓露枝枝香粉暈彤霞耽竒欲製衣裳
美贈遠愁看道路賒多少芳菲競春去西風
流落野人家

奉和承山相公九日登臨太虛勝覽樓

宴更移席禪堂悠然有作

古寺高甍披翠微重陽開宴與心怡召公分
陝文軒在漢使橫汾畫舫移雨洗烟霄迎盛

節露催寒菊款佳期河山望美凌晨得鐘磬
畱歡落晚宜戲馬臺荒名尚在登龍人遠興
非隨年華奄冉誰能恕世界清平此共知哲
匠賦成還倚檻彩毫相對法輪熙

題高貞婦陳氏冊其弟爲刑部郎中

東方有賢淑少小稱未亡內牽慈母恩上以
奉姑嫜茹荼三十載掩鏡滅鉛粧一心抱貞
孝皎潔團冰霜朔風起當晝白日含精光孤
鴻叫玄夜落木響空堂是時悲且勵單情誰
爲詳昊天毓靈秀賦之綱與常丈夫翻改玉

奸諛代成行視此純白姿豈不惡蒼黃衆草
委秋色幽蘭揚其香我貴在從一栢舟胡感
傷德立而不朽垂聲以無疆

答程竺陽暮秋詠懷

天涯長作客汾館莫論秋報國心逾壯平戎
志未酬星霜朝鏡改風雨夜燈愁到處皆吾
土王孫好自畱

別駕南岡穀峯過訪對菊率爾詠酬

獨擁寒雲歎歲華蕭條誰念野人家連鑣肯
訪重陽後倒屣還開一徑斜庭草不堪承墜

露籬花猶可伴流霞題與更復傳呼去愁對
空林只晚鴉

屋傍隙地作一小室名虛白齋
隙地餘方丈安居止一間戶樞從不靈門設
好長關夜景虛生白朝光靜是閑自慙非絕
學投老解希顏

奉和承山相公宴雷明府新第

雕符玉麟後畫棟彩虹連上客紆文組高楹
啓繡筵列陪慙郡彥傍觀羨神仙東道應深
抃嘉光詎偶然

秋懷詩二十首

吾觀萬物化榮瘁相轉折衆芳歇有時胡爲
怨鷓鴣鳴鳥久寂寥斯螽何屑屑白露本無
心一灑玄蟬咽林葉稍已踈靜聽得幽絕始
知大聖言真能息邪說

其二

夏氣爲鬱蒸群有得充盛密葉翳庭柯繁草
塞塔逕蟲禽亂其間晝夜不肯靜舉翼風逾
溫揮汗如雨逆極安在朱樓方爲永日競我
本姑射人冷淡風成性何以處心神寒泉聊

可塋

其三

郭外二頃田城中五畝宅黍稷幸見登桑棗
已屢摘鷄鳴風雨朝犬吠牛羊夕井稅無後
輸家食有餘積山客訪柴荆村醪時正碧

其四

吾道本淳穆今古一真常偽妄與斷滅多岐
故亡羊山木乃自寇石火難為光玄珠獨何
隕宛在水中央軒黃莽罔象須臾繫我家終
日寓無始蚩蚩仰洪荒

其五

盈盈靚粧女皎月希令顏遠嫁長獨栖風霜
摧以殘不及堯李春好鳥鳴間闌又不弄機
杼錦綺雙鴛鴦幽蘭棄空谷桂樹委寒山猶
蒙鄰女惡薄命良苦艱

其六

我觀功名士桓赫良可為徃徃岳成日禍至
毀亦隨豈乏憂與讓雖信猶見疑唐虞殷周
間四哲古所推禹稷萬世賴夷齊百代師濟
物畏天命求仁保民彞

其七

遐想列國士亦有三代英子產與叔向孰愈
齊晏嬰文能表邦憲義以疆國楨滔滔詐力
間明允兼篤誠生不逢揖讓奚不爲保衡仲
尼泣遺愛歎息有餘情

其八

孟軻既淪亡道喪復千載卓哉河汾公束髮
探滄海揚瀾躩其源周孔未之改脩史名續
經敘說大中在開繼賴斯文立言足模楷編
書尚體裁傳記皆可采雅志屬宣尼步趨惟

恐怠豈屑後世賢覆用爲罪悔

其九

蚤歲讀毛詩晚通六義肯心聲本自然宣叶
貴神理感物斯造端緣情遂綺靡廷廟簡宗
工邦國掄小史哲匠與庸師命名良有以末
學昧參同起予者誰子今古競雌黃上中紛
比擬功虧築室迂技窮畫虎耻自非天縱資
微言勿輕矢

其十

吾聞大仙者托迹金銀宮彩雲開戶牖靈草

其七

遐想列國士亦有三代英子產與叔向孰愈
齊晏嬰文能表邦憲義以疆國楨滔滔詐力
間明允兼篤誠生不逢揖讓奚不爲保衡仲
尼泣遺愛歎息有餘情

其八

孟軻既淪亡道喪復千載卓哉河汾公束髮
探滄海揚瀾躩其源周孔未之改脩史名續
經敘說大中在開繼賴斯文立言足模楷編
書尚體裁傳記皆可采雅志屬宣尼步趨惟

恐怠豈屑後世賢覆用爲罪悔

其九

蚤歲讀毛詩晚通六義肯心聲本自然宣叶
貴神理感物斯造端緣情遂綺靡廷廟簡宗
工邦國掄小史哲匠與庸師命名良有以末
學昧叅同起予者誰子今古競雌黃上中紛
比擬功虧築室迂技窮畫虎耻自非天縱資
微言勿輕矢

其十

吾聞大仙者托迹金銀宮彩雲開戶牖靈草

結簾櫳坐邀廣成子行引浮丘公温泉淋雪
白寒火煉鉛紅處夏不炎燠居冬反和融冲
氣四澄澈湛然秋水同十洲蓮葉上三山鶴
羽中妙化誠巨測神理終當窮誓將凌倒景
一與斯人通

其十一

金氣化爲飈玉光凝爲露肅肅掃谿堂泠泠
湛庭樹天籟生此中雲山得韶濩神朗敵昏
冥慮澹啓超悟憶落塵網時清居隔烟霧自
出迷津來今夕游太素

其十二

涼露滌氛埃天高月波穆夜靜耿蘭膏青燐
在東屋心景共虛明蕭蕭對脩竹谷傳書有
聲情知是兒讀

其十三

列國禮英賢魏文實冠冕首師洙泗儒段生
從偃蹇田子亦矯抗君侯意逾腆章逢非技
擊氣驟自陵緬坐策藩國功明因軼問關驕
杏破崇高謙恭得尊顯勅敵罷東園弘聲亘
西衍方愧坎中蛙矜持一何淺

其十四

弘景歌白雲淵明傳五柳寄意一何深遺安
在林藪余亦遂初衣築室托崇阜泉石乃臺
隍松蘿爲戶牖鳥獸非同群駭怖都無有昔
云草莽臣今作山林守

其十五

山居四時好秋序尤所欣平生耻喧濁而不
愛炎熏到來天宇淨青谿無垢氛蔭庭兩碧
樹出嶺多白雲昭曠符遠心潔爽清見聞仙
居倘可接當共爾爲群

其十六

纂纂園內棗離離野間禾田家無遠略隨分
保巖阿歲華秋有實所得良已多老至不願
餘苟可衰頰醅夜來酒新熟取醉還復歌壹
意聊爾耳捨此將如何

其十七

儒生守章句信傳不信經執經猶外望况乃
隔巖扃上古製文字一爲寫心靈默識神所
契盡性而踐形

其十八

漁嬉稿
少年有膽略遇事輒含弘
竭來衰復甚處已
猶不勝語言覺無味
面目慙可憎驚禽願
孤宿駭獸思遠騰空
谷白雲裏深秋莽層
層

其十九

陶潛任天真不獨在飲酒
薄宦竟遺榮歸田
惟五柳屢空常晏如
縱化從白首知命
故不疑素履往無咎
觀其飲酒詩頗亦
盡幽剖自昔原思
亡此義日已否樂
道安貧人疇能出
其右

其二十

若著憚百憂不悟老
已至冉冉桑榆暉
薄薄濛汜次往化
難可追來日知誰
是有酒且一懽勿
復獨多意

喜東明第還山詩十首

微官易得罪方信
古人言肝膽知誰
見平生頗自敦萬
物各有寄世事多
飛翻解綬詎疵
賤所貴還丘樊

其二

言客勿多歎歸心
久已然因事遂云
邁得果丘中緣窮
達自有分華纓非
所懸但令存我

貴溪曰愚與賢

其三

迢迢五載別空此郊園
靡春草秋更碧仰視
征鴻飛撫景心欲絕
涕下不可揮今日破爲
笑觀子遂初衣

其四

天地有界畫畫出百官
園爾我在園外差得
爲野夫篁笠而簪冕
失步邯鄲趨歸來復歸
來薄田口可餬

其五

芳草雖滯歸碧雲還果
諾日暮見猶疑明燈
耿華錯顏鬢稍已蒼
心情固如昨何以寫深
懽蘭漿差可託

其六

綠綺裝君囊蒼龍繫君
帶下以款心知上焉
除國害此意適無成
去來何足嘒拂拭置牀
頭摩莎倚天外

其七

大塊載我形小大各有
辨當其盡性時安知
鵬與鷗容與碧林園
遨遊翠山澗即此是消

搖自餘非所盼

其八

東鄰招我飲綺席置華館水陸羅珍羞歌舞
雜竒玩飛爵亂縱橫昏星映河漢僕夫前致
詞雖樂會當散

其九

西山多爽氣翠彩雜烟嵐流光冷虛牖落影
淨寒潭兄弟時既翕和樂誠且湛喧客但飲
酒勿復語誦誦

其十

庭樹幾開落客久當自知今日稅歸駕寧復
悲別離在家貧亦好帝鄉不可期斯言爲我
設何憂復何疑

入冬多雨夜坐有作二首

涉冬猶積雨闌夜響空塔風急吹難斷雲深
黯莫排人愁薄寒中時礙小春諧總有盈樽
綠其如歲暮懷

衰翁無志意歲晏仍苦心朝雨觀猶細宵霖
聽轉深飄蕭碧樹靜寂塵紫苔沉却憶子輿
友哀歌十日陰

雨雪歎十月廿日作

五日曾無一日晴北風吹雪曉盈盈踈林曲
沼皆含凍小苑空齋太放清竈冷獨愁燃桂
盡褐寬猶恨著綿輕不知馳逐名場者內熱
還能此際生

冬夜吟

玄冥撫節行夜長不令早舒白日光蘭膏見
跋銅龍強麗譙鼓冷聲不揚岑岑寂寂擁匡
牀蕭蕭寥寥空草堂六夢影滅三彭亡耳目
黯黯心清涼恍疑身在無何鄉混沌不死仍

洪荒鷓鴣戢羽猿狖藏玉兔斂足烏罷翔復
有志士晞東方商歌一曲斷人腸我亦攬衣
起徬徨河宿爛爛殊未央

寄酬謝四溟暮秋見懷

憶昨春風杖屨過論文兼得醉顏醅方將瑤
席清塵滿復遣鴻天別思多攀向桂枝偏潞
國斷看雲影隔漳河惟存袖裏三年字時對
孤樽宛轉歌

山窓夜雪

今夜月應遲踈檉胡皎潔如水復如烟冷光

凝泱泱純白如粉塗向虛生不滅惚恍冰壺
懸依稀玉版列侵曉益分明真知是瑤雪

宴坐偶書

衰頹乘暮序道緊復嚴風昔願脩名立今知
妄想空老還青鏡裏悶撥綠杯中木葉飛寒
盡何慙禿髮翁

承山相公新作西北城樓召宴郡中文

士左史胤與焉因敬賦詩以紀其事

河山昔美封疆固樓雉今開坐鎮雄絕塞西
臨三戍靜神京北望五雲叢天邊樽俎延

會郡裏衣冠荷上公文采軍容互輝映鏡
歌笳吹滿晴空

奉壽承山相公

嘉辰開府宴蓬瀛野老躋堂有頌聲申毓帝
靈蕃翰著畢敷文命保釐成擎春梅柳當軒
映獻歲雲霞滿席生須信物華隨道泰好調
元鼎格熙平

贈蔣雲龍大行奉使南陽經臨汾郡

自儼駉駉出帝畿經臨處處有榮輝皇華鳳
彩銜冊詔嘉客龍光映紫薇時其外舅承

賦向漢都平子再歌來郢曲和人稀玉堂青
瑣須鴻俊旋及煙花滿禁闈

和宗川立春後一日雪

東風律始調和澤上飄蕭奏節梅花合占年
柳絮饒摘辭梁苑夜發藻灞陵朝爭及陽春
裏仍將白雪標

除夕一首

四序功成退三陽道轉新將迎交此夕否泰
遞茲辰盤裏椒花馥杯中栢葉醇白頭仍守
歲笑殺青春人

丙寅稿終

庭樹幾闌落客又言自如今日稅歸駕寧復
悲別離在家貧亦如帝鄉
期斯言爲我
設何憂復何疑

